

琴川三走補記

地 20.18

736

部 =

重印琴川三志補記緣起

補記一書係吾鄉黃琴六先生所纂臨海屈侃甫先生序之謂補鮑志之闕與盧張二志之亡而先生自記又云凡有關宋元明初目前足補三志者一一采錄據是則讀是書卽不啻舉自宋迄明諸志而盡讀之書凡十八卷冢墓目上十卷張鹿樵先生代爲付梓金石目下八卷先生自刊事在道光辛卯乙未兩年較後於言襄陽合志之刻而要皆合志所不詳蓋盧張二志當明宏治間已無可徵餘多未列官志傳本較少其見遺也宜哉今春亮時與丁君祖蔭議印常昭合志歎合志闕金

補記

重印緣起

石一門不無遺憾張丈諤廷謂是書有之丈固鹿樵先生從孫慨然出家藏本見示丁君見之喜甚迺合費用聚珍版重印冀與合志相輔而行呂臻完備云再原書間有一二譌字管見所及畧爲更正至其體例格式及闕文一仍其舊閱者諒之

光緒二十四年歲在著雍闡茂如月後學季亮時謹識

刻琴川三志補記緣起

予閉門讀禮不忤人事道光辛卯夏五何甥樹出眠琴川三志補記蓋其師黃君廷鑑所輯網羅放佚考論往舊而于元代明初尤徵翔實允爲後來修志張本剗陋流傳式光閩史抑亦邦人士之任也若夫體例彙括筆削謹嚴則吾友屈君軼序之哲矣工既竣爰識其緣起如此同縣張大鏞

補記

緣起

敘曰琴川三志之有補記也執友黃君廷鑑專門之學也琴川曷爲三志宋之鮑廉志也元之盧鎮續志也明之張洪新志也其補奈何鮑志傳補其闕盧張二志不傳補其亡也是補志也曷爲別稱記謙也若不敢與三志匹也此其體也黃君之言曰仿續吳郡圖經之分類原所因也斷自六朝迄明宣德示所限也琴川之置爲縣晉太康始也張洪新志在宣德間也此其例也響使盧張二志尙在殆弗補乎非也尋桑瑜宏治志去盧張未遠二志苟有可觀桑志宜必有述也然偉生俊人如彼其漏也名蹟勝槩如彼其畧也要由盧張二志不足

補記序

徵而桑志靡攸損益於其間也此三志補記之所爲作也然則黃君補記必傳乎夫傳不傳未可知也誠令筆削不徇於俗是非不詭於古也言有物而出有章也豈惟是琴川三志之嗣音將山川鬼神實呵護之也必傳於後無疑也洵乎黃君專門之學也臨海屈軼

吾邑圖經琴川志爲先河尙已自續志新志旣佚宋末目迄明初中歷百六七十年文獻蓋闕讀者病焉廷鑑竊嘗補輯采獲成編凡十有三卷名曰琴川三志補記發凡起例條繫左方

鮑廉琴川志今有汲古閣刊本盧鎮續志張洪新志兩

書久佚體例無徵是記專補三志之闕佚自應別爲分類從朱長文吳郡圖經續記例也

琴川志在宋寶祐續志在元至正新志在明宣德是記纂錄上自六朝下迄明初宣德爲斷正統以下例不濫收以昭畫一

桑瑜鄧韞錢陸燦曾倬常熟志陳祖范昭文志言如泗常昭合志凡經官修舊志所載者是記例不複述他如姚宗儀龔立本三志及管一德文獻志陳三恪海虞別乘皆未列官志傳本較少凡有關宋元明初以前足補三志者一一采錄

補記

凡例

三

琴川志以後諸志凡宋元明初人士僅掛姓名者亦復詳補事實用廣闡幽若夫寺觀橋梁之屬捨宅施財自是邑中功德然業已隨事傳名且其間道俗紛如保無殊方善信難區主客是記槩不列焉

是記引據載籍及公私金石文字各分注名目並有根證倘事涉疑誤隨加駁辨補正其譌

大清道光十一年歲在辛卯五月日子黃廷鑑載

卷一 沿革

卷二 城池

卷三 里社

神廟

卷四 官師 庶士

卷五 宦績

卷六 氏族 爵邑

卷七 耆舊 拾遺

卷八 寓人

卷九 方伎

卷十 第宅 園林 冢墓

卷十一 金石 以下刷刻

卷十二 雜錄

卷十三 詩文

補記 目錄

琴川三志補記卷一

沿革

沿革縣表

据邑人陳芳績歷代地理沿革表

漢三國	晉	南北朝	隋	唐五代	宋	元	明
虞鄉	海虞	海虞	常熟	常熟	常熟	常熟	常熟
孫權置虞太康四年宋仍	析吳置屬齊改曰常併省入常遷治海虞	開皇九年武德七年仍	吳郡	熟尋復故熟屬吳郡屬蘇州	梁天監六年分屬信義郡	陳仍	南沙
農都尉	吳郡	熟尋復故熟屬吳郡屬蘇州	梁天監六年分屬信義郡	陳仍	南沙	南沙	南沙

補記卷一

沿革

名沙中咸宋仍	康七年罷齊仍	鹽署析海梁分屬信	虞地置屬義郡大同	晉陵郡	常熟	利城	利城
元帝析海宋元嘉中	虞北境之遷治武進	土山僑置之利浦	以處流民	利城	利城	利城	利城



陳芳績曰琴川志齊以南沙爲常熟梁因之注云前志及紹興題名記皆謂梁改南沙爲常熟然按吳地記載仲雍墓在吳郡常熟縣海虞山記乃齊永明間陸澄所作則在齊已有常熟之名曰梁改恐誤芳績按常熟卽古之海虞也在齊時山屬海虞陸記不曰海虞海虞山而曰常熟縣海虞山是齊時曾改常熟未幾卽復海虞之名陸記適當其時故云若南沙改常熟實梁大同六年非誤也

汪應銓辨證常熟縣之名始自隋以爲始於齊梁者皆非別載昭文志

補記卷一 沿革

考定沿革縣表

縣故吳縣虞南沙一鄉地虞鄉東南濱海南南沙西北枕江往往爲郡將治所並稱重地未置縣以前諸舊志詳之矣今補縣表斷自晉始

晉	宋齊	梁陳	隋	唐五代	宋	元	明
海虞縣	海虞縣	海虞縣	常熟縣	常熟縣	常熟縣	常熟州	常熟縣
<small>武帝以虞宋因之鄉置縣屬齊因之吳郡</small>			<small>文帝廢信唐因之義郡併所五代屬吳平江府</small>		<small>宋因之屬元升爲州太祖復爲屬平江路縣屬蘇州</small>		<small>置鹽場於府穿山</small>
南東海郡			常熟縣				<small>孝宗割縣東南雙鳳鄉之三十四都三十五都三十</small>
海陽縣			<small>梁改南沙京輿國南縣爲常熟沙入常熟縣與海虞縣屬吳郡</small>				
海陽縣							



胸縣

齊置屬晉俱屬信義  
陵郡王郡

利城縣

峻蘇州府陳因之  
志卽鄆胸

常州

元帝以海

利城故地

信義郡

煬帝廢晉  
陵郡以常

虞北境僑

立一郡三

信義縣

熟置常州  
後移州治

縣穆帝移

治京口

興國縣

於晉陵縣  
常熟復爲

南沙縣

武帝初割宋因之

前京縣

縣屬蘇州

南沙入暨齊因之

梁置一郡  
三縣並領

陽縣後罷

海虞海陽

南沙鄉司

常熟

鹽署置縣

陳因之

屬晉陵郡

補記卷一

沿革

三五四

六都三十  
七都三十  
九都凡五  
州都入太倉

六朝海虞南沙沿革考

六朝郡縣置廢靡常加僑寄虛張名目令讀者茫乎若迷誠欲考求當時沿革所由自以正史之地志為據顧其間併析輜轄亦既書闕有間矣考吾邑故吳縣虞南沙二鄉漢屬會稽郡後屬吳郡南沙在吳時所謂沙中是也

通典漢置司鹽都尉于南沙鄉

吳地記吳析虞鄉置虞農都尉晉武帝始以虞鄉置海虞縣屬吳郡其南沙初割入毘陵郡之暨陽縣後

成帝罷南沙司鹽署立南沙縣屬晉陵郡宋仍晉舊未之更改先是元帝以海虞縣北境僑立南東海郡領鄒朐利城三縣穆帝移治京口齊置海陽縣屬晉陵郡或

補記 沿革

曰即鄒朐利城故土

本王峻蘇州府志

未詳所據梁置信義郡

領海陽前京信義海虞興國南沙六縣而信義前京興國亦無指實後又改南沙縣為常熟縣陳亦因之隋文帝廢信義郡併所領六縣入常熟縣屬吳郡尋隋志注舊曰南沙則下文南沙二字當衍乃說者疑常熟之名

改自隋始

本汪應餘說

疏矣夫立縣自晉始改名常熟自梁

始縣併常熟自隋始歷考六朝正史州郡地理各志覈與陳芳績縣表大畧相同惟是芳績謂南齊已有常熟縣之名是沿琴川志舊說然於史傳究無明文故就六朝之輜轄而辨正之傳信將來焉可誣也

琴川三志補記卷一

補記卷一

沿革

六



琴川三志補記卷二

城池

南沙故城通鑑注通州南岸蘇州常熟縣福山鎮卽東晉之南沙舊唐書地理志常熟縣隋治南沙城

海虞故城吳地記海虞縣北六里有虞山元和郡縣志常熟唐武德七年移治海虞城

海陽故城王峻府志永和初移郟朐利城出京口蕭齊於其地置海陽縣未詳所據按桑瑜縣志端委鄉海洋塘南通鵝城港北通千步涇入江陽與洋音同易訛疑卽海陽塘也

補記卷二

城池

信義故城崑山縣志真義鎮卽古信義縣也

前京故城松江府志梁析海鹽東北境置前京胥浦二縣尋省胥浦併入前京隋以前京入常熟唐析前京入海鹽

興國故城無考按鮑廉琴川志開元鄉有興國里在縣西北三十里

支塘城陳三恪海虞別乘張士誠據平江塹白茆浦廣三十六丈以洩三吳之水築城於支塘南北跨鹽鐵塘東西跨白茆浦如潤州丹陽之制圍九里三十步高二丈廣一丈二尺顧祖禹方輿紀要誤以支塘城爲卽南

沙故城辨見後篇

穿山故場元史百官志兩浙都轉運鹽司其屬穿山場置司令一員從七品司丞一員從八品管勾一員從九品穿山舊屬常熟明宏治間割入太倉州

按支塘當江海交會素號重地穿山醜權魚鹽亦邑東南一聚落也其城與場均屬元代遺蹟故附錄于末

運河龔志自鎮海門入

北水門

南達顯星橋按運河今通

流一由興賢橋西入學前河卽琴川第一絃也一由顯星橋東出小東門水關

補記卷二

城池

山塘涇桑志在虞山前東通城濠西接小山港兼指城外之涇也龔志自西東注合流出翼京門俱在闔閭中專指城內之涇也按城內山塘涇今通流一由范公橋南入西涇一由八字橋折而南達望仙橋左合琴川第一絃右出南水關

西涇龔志自范公橋南下分注城濠按西涇疑舊城濠也其由小石橋西通九萬圩又北流出西水關明嘉靖前尙在城外今西城根有常熟田蓋天字號第一坵小洋子涇鮑廉志在縣治前殆與琴川第三絃混而無別又云北沿虞山趾貫絡邑中其曲折方向亦未分晰

指明按小洋子涇乃琴川第七絃也北接福山塘之水  
由小洋子橋西注山麓循麓迤邐流經興賢池影娥川  
石梅澗南入焦尾溪

焦尾溪桑志在縣西上有迴龍廣義二橋南通山塘涇  
北接石梅澗遺跡尙存按道術西孫氏映雪山居有溪  
流如帶疑是焦尾溪故道其東注于慧日寺前其南由  
廣義橋入山塘涇今皆侵塞

元州城考

宋常熟縣城周二百四十步琴川志云今不存元升縣  
爲州至正間張士誠據平江始築州城周九里三十步  
明桑瑜志云卽今址是也成化後僅存遺堞夷爲民地  
嘉靖間以防倭展築始環山爲城而州城故蹟諸志未  
詳廷鑑考洪武中縣給李阿演開墾印帖有山地除東  
嶽行宮基外實算二十六畝三角之文則爾時虞山東  
麓未入城內其北半巢居其南天字號九萬圩俱在城  
外城與山兩不相屬援摺開墾帖文可證乃陳祖范昭  
文志云騰山爲城殆必始於張氏今山頂藏軍洞演武

補記卷二

城池

四

場皆其遺蹟殊不知州城密邇山麓其山巔之厯厯藏  
軍洞皆重兵屯守表裏互爲聲援正合犄角機宜決不  
出連鷄下策審矣至明嘉靖間承平日久武備廢弛惟  
憇倭踞山巔反占地利不得已而展拓環山權濟一時  
亟爾如陳志云云直誤會姚廣孝沈似潛詩句其亦未  
審於當時之形勝矣乎

姚詩城半在山高沈詩十里青山半入城陳志引以爲證按張

著甲午年春登虞山集致道觀詩行行出西郭駕言登  
海虞吳訥虞山詩山名自虞仲邑城據其東屈冲霄大  
石山房詩題原注西郭外百步許此皆嘉靖未築縣城  
以前人士各有專集是虞山之在城外益信而有徵矣  
至若姚沈二人之句乃詩人寫景形  
容往往求工失實未足爲左證也天盧鎮續志在元  
末張淇新志在明初兩人皆及見州城者惜篇籍久逸



言人人殊作州城考桑瑜志首列舊城圖卽州城也表裏延袤勾畫未能清晰致昭文志有乾元宮極目亭俱列城內之訛因論州城併附辨之

讀史方輿紀要南沙廢城辨

支塘去縣城東五十里而近元季張士誠嘗築城于此至今遺址尙存顧祖禹讀史方輿紀要云其地卽南沙廢城則誤矣按海虞南沙自晉置縣後併析紛更究未詳其實土杜佑通典稱漢置司鹽都尉于海虞西北南沙鄉由是知南沙西北枕江而海虞東南濱港方位始克了了杜佑去六朝未遠其說必有所據以杜例顧迺大有逕庭雉堞名虛錯認南沙之治屢樓境幻訛傳東海之封故老傳聞不如載籍載籍極博不如史傳考晉書咸和五年石勒將劉徽先寇南沙進入海虞其證一

補記卷二

城池

六

也又考吳志裴松之注孫權時合莫舉火西陵三鼓竟達吳郡南沙其證二也又考通鑑胡三省註通州南岸蘇州常熟縣福山鎮卽東晉之南沙其證三也夫南沙晉縣而溯在福山者有明文支塘元城而指爲南沙者無實據互勘則是非各見研覈則傳會立彰讀史謂何紀要謂何祖禹爲吾鄉譚出居宛山有年與土著無異加負海內重名支塘云云後人易爲所惑是以百數十年來龔謬承譌莫敢糾正甚且引其臆說竄列圖經抑亦邦人士與有責也夫爰歷據三證巨辨其誤俾曉然南沙城之所在後有作者尙考信於斯文

明琴川考

范成大吳郡志梧桐園在吳宮本吳王夫差園一名琴川此琴川見諸圖經之落俶也鮑廉琴川志始著其地縣治前後橫港凡七皆西受山水東注運河如琴絃然今僅存一二通流餘皆湮塞桑瑜常熟志始析其條第一在今縣南學士橋下第二在鎮橋下第三在縣橋下第四在慧日寺前香花橋下第五在黃柏橋下第六在倉浜橋下第七在小洋子橋下龔立本志又歧其說第一在儒學前第二在鎮橋下第三在縣橋下第四在慧日寺前第五在市曹橋下第六在黃柏橋下第七在靈

補記卷二 城池

七

公殿前橋下或云第五在黃柏橋第六在倉浜橋第七在小洋子橋桑龔兩志互異如此考舊志市曹橋在沈家橋西舊有市司設此沈家橋在縣治西南又名染子橋是市漕橋在慧日寺之南不應稱第五也又靈公殿前橋舊志俱未載無憑考據故龔志亦不堅持其說則琴川七絃當以桑志爲近是惟黃柏橋湮沒無存相傳在言公東巷其左有言子橋蓋由黃柏橋下東出言子橋今巷北浜巷之所出來也夫不覈諸家之志乘不揆往蹟之情形聚訟輻輳徒屬辭費廷鑑爰据桑志琴川七絃所在以補鮑志之畧尙俟博雅君子是正焉

琴川三志補記卷二

補記卷二  
城池

八

琴川三志補記卷三

里社

自來郡邑志往往載城隍廟而於里社闕如良由輓近世禱媚成風事無證覈薦紳先生難言之原夫社土本於禮經社公著於史傳有舉莫廢由來者遠前明洪武定制百戶爲里里各置社頗合神道設教之旨世俗視如兒戲於禮褻矣考吾邑社神如吳王越王二廟見陸廣徵吳地記又如屠太庵祀屠太保宋至和中建金李庵祀金李二元至正中建並散見於前志他若宋嘉泰初樊璣度僧公據載有嚴塘下蘇小孃管界居住之文石刻見

補記卷三

里社

在慧日寺由此而推則凡社祠林立其神蹟卽不盡可稽而古曰在昔昔曰先民其人大都在宋元以前類足徵信就中大王小孃等號文不雅馴紛若史巫彌俚彌質土風於是乎采掌故於是乎存俗尙攸關助流政教豈同淫祀云爾哉

縣譙樓福德五通祠鮑廉琴川志縣樓宋承平時建慶元間令孫應時修

儒學張尉公祠龔立本志張旭爲儒學土地其祠在泮池西顯靈驗元至正間訓導張著記

慧日寺招寶七郎祠鮑志慧日寺梁僧慧嚮造

致道觀朝元真官祠鮑志致道觀梁天監二年造  
市心街清真宮土地祠鄧徽志清真觀梁普通間建今  
清真宮土地祠卽其地

廟巷屠太保廟桑瑜志屠太庵在縣東南宋至和間建  
龔立本志明廢改爲草聖祠

東門東殿聖王廟桑志在縣治東北慶元志舊子游廟  
按小東門休留大王廟建造時代未詳

山塘金李司徒祠桑志金李庵在縣西南元至正中建  
明洪武初立鄉約所改名衍慶社有碑在庵可考

南門福順大王廟桑志福順庵在縣南宋紹興中建

補記卷三

里社

一一

北門元陵三郎廟桑志北方門院在縣西北宋淳熙間  
建永安社殘碑明洪武初立鄉約所改名永安社按北  
水門元陵四郎廟建造年代未詳

山南吳王廟陸廣微吳地記郭西二里

山北越王廟吳地記在海隅山西北三里

晏林徐偃王廟龔志晏林庵宋紹興中建

平墅要離大王廟鮑志在縣西南四十里

練塘春申大王廟鮑志在縣西南三十里

塘頭墅四道明王廟桑志四道明庵宋紹興中建按南  
沙鄉十五都孟市土神亦稱四道明王未知孰是

陳浦伍相大王廟鮑志南沙鄉端委鄉皆有伍相里桑志伍相庵在開元鄉元大德中建龔志在南沙鄉是伍相廟不止一處俟考

嚴塘蘇小孃子廟見度僧公據

白茆沙營大王廟龔志沙營庵在縣東北宋端平中建吳市桑倫信王廟龔志桑倫庵在思政鄉元泰定間建莫城莫邪大王廟鮑志莫城在縣南十二里亦謂之劍城今有小廟曰莫邪大王是也

梅李閣將軍廟鮑志唐元和中閣將軍捨宅爲勝法寺桑志將軍墓在寺東按洪邁夷堅志梅里有伏虎司徒

補記卷三

里社

三

廟疑亦是土神

李墓李僕射廟桑志李開山廟在梅李鎮北十八里故曰李墓按僕射疑卽開山

按土神不皆立廟寓祀於庵院居多蹟其庵院建自何朝則神之時代先後亦可借證類推矣故止據其有考信者錄之右方它從蓋闕又若宋淳熙初曾尙書懷沒後爲福山嶽廟土地載在夷堅志雖事涉荒渺其理或不誣也

神祠

東嶽廟今在西城內山陽

舊州城秋報門外百步

琴川志云創造

之繇無碑志可考桑瑜志云淳熙九年建亦未詳所據  
龔立本志按延祐二年徐亨給帖廟基二十六畝三角  
有宋魚鱗圖冊則宋建明矣

按李一鴻捨宅元至順間事則嶽廟創造疑卽其時  
延祐在至順之前徐亨何人因何給帖所謂廟基若  
干畝角是否引證宋魚鱗圖冊原文龔志截句斷章  
殊未分了也

龍虎二神在致道觀山門元知州王英子志仁埭盧克

治記

據姚宗儀志

管七廟在橫瀝里神名副七元末偕兄副六行賈荆襄

補記卷三 神廟

四

遇紅巾伏積屍中得遁平生伉直義俠模古人言行沒  
而爲神明永樂中里人肖像廟祀祓禱雩禱輒著靈應  
據管一德文獻志

琴川三志補記卷三



琴川三志補記卷四

官師

高行度唐常熟縣令

據漢泰山都尉孔宙碑左側唐大中元年題名拓本

按南齊海隅令陸濯見吳郡志靈佑廟記核其世系

與史傳不合疑出自陸氏家牒例不采錄故以唐高

行度為官師之首

袁中孚唐常熟縣令

據寶刻類編載興元元年武元衡京兆成宜公主碑

李松年唐常熟縣尉

據周嬰厄林

陳宗閔天聖中由史官楷書授常熟簿見宋庠制詞

據宋

元憲集

補記卷四

官師

錢訪天聖間常熟尉見宋祁送錢尉詩

據宋景文集

陸韶之字虞仲錢塘人大觀中常熟縣丞官至監察御

史

據張守毘陵集陸虞仲墓志

趙不同紹興間左奉議郎知常熟縣

據孫觀鴻慶居士集直龍圖閣趙公

墓志

趙師嚴紹興十七年右迪功郎常熟尉王文靖紹興中

右從政郎常熟簿

據錢觀復鐘銘

薛季宣字士龍永嘉人紹興末知常熟縣

據浪語集附錄呂祖謙薛

君墓志

李拱傳字應辰金壇人乾道間常熟簿

據京口耆舊傳

周△常熟令邑人李元英執經於其門見陳造詩据江  
湖長

翁集

錢△字竹巖常熟令見釋居簡詩据北  
欄集

王△嘉泰元年訓武郎監酒稅務攝縣尉据慧日寺度  
僧公據拓本

按琴川志王某列紹興主簿下註見慧日寺度僧公

據此因慧日鐘銘王文靖而誤也主簿中文靖名轉

佚今据拓本正之

趙必愿字立夫餘干人太師諡忠定公汝愚孫廣西安

撫崇憲子必愿以祖汝愚遺表補承務郎開禧中調常

熟丞嘉定七年舉進士累官至華文閣直學士贈銀青

補記卷四 官師

光祿大夫据宋史  
本傳

孫華仲嘉定元年進士吳縣主簿終常熟丞据鎮江  
府志

王子兼字達善奉化人授常熟丞未任奏辟浙江提刑

司準備差遣据戴表元常熟  
縣丞王公行狀

按明周儀刻剡源集佚王子兼行狀茲從汲古閣舊

鈔剡源文錄

易斗元字復之廬陵人咸淳進士以迪功郎爲常熟尉

据朱珪名蹟錄  
易府君壙志

李昆以殿省知常熟縣見黃鑑詩原註卽都尉兄据龔  
立本

志

趙傳則衢州人承事郎常熟丞 據黃潛文獻集退藏山人趙君墓志

李彥孚淳熙六年改許浦水軍統制 據建康志題名

胡安世淳熙十五年許浦水軍統制 據盧熊府志

張裕寶慶元年許浦水軍統制 據琴川志崇真道院條戴榘顧逕左軍記

吳英嘉定十年任許浦水軍統制 同上

李慶宗嘉定十年除許浦水軍統制 據建康志題名

劉虎端平二年許浦水軍統制 據宋史全文

孫琦淳祐九年除許浦水軍統制 據建康志題名

邢安德祐元年許浦水軍統制 據元史

趙汝霖平江梅里監稅 據周輝清波雜志

補記卷四 官師

劉觀龍舒人平江許浦監稅 據郭象睽車志

按元刊琴川志敘官監務下殘缺今補兩人存其槩

田章濟甯路人前至元間將仕郎常熟主簿大德初陞

吳江判官 據濟甯州修學記碑陰拓本

也先海牙元至大元年奉訓大夫常熟州達魯花赤兼

勸農事

滅里沙至大元年奉直大夫常熟州達魯花赤

李惠至大元年承務郎同知常熟州

不牙合至大元年將仕郎常熟州判官

任達至大元年從仕郎常熟州判官 上據葉萬金石文隨錄重修譙樓記

崔顯字耀卿真定人官常熟知州以清謹稱据蘇天爵崔孝廉傳

費復初字克明東平人由崑山知州擢郡別駕為常熟

知州殷奎有送費侯之官常熟序据殷奎強齋集

和尼齊順州人石天麟之子官常熟州達魯花赤据蕭鄭勤

齋集

浦源崑山人承仕郎常熟州判官据袁桷清容居士集浦經歷墓志

元童高昌人同知常熟州据鄭元祐僑吳集

金起吳人至正間同知常熟州据戴良九靈山房集

何達卿至正間常熟州判官据林大同範軒集

繆思恭字德謙海陵人至正末同知常熟州据顧嗣立元詩選小

補記卷四

官師

四

傳

秦△沔陽人元末為常熟州判官三年秩滿歸据張著虞山送

別詩序

黃舉字子高江陰人延祐元年舉于鄉授常熟州教授

据陸文圭牆東類稿

李良遇延祐初常熟州教授据三皇廟記

薛觀字景詢泰定元年進士授常熟州教授据袁桷送薛教授序

李敬心字仲謀宜黃人至順三年常熟州教授据虞集道園學

古錄○錢陸燦志作季敬心

張公亮宣州人至正間常熟州教授据貢師泰玩齋集

張汝玉周炳文姚振孫俱學職據唐派涯重修學宮記

王嘏字伯純河東人至正末辟授常熟州教授據王逢梧溪集

劉瑾至大元年常熟州都目據重修譙樓記

張公至大元年常熟州提控案牘同上

吳啟宗為元帥府照磨至正中副元帥兼知州盧鎮重

修儒學啟宗與令史員良瑜董其役陳基有記據夷白齋集

張率性金華人至正間任鎮江司理陳基江月樓詩序

稱其擢副海虞未詳何職同上

陳公字性之元時為常熟幕長改授崑山許恕饑之詩

云新除下薇省復此崑山去蓋當時提控都目之屬也

補記卷四 官師

郭北郭集

朱公以萬戶守常熟五年歸張著詩稱其斥候無煙絕

羽書蓋其時尚在承平又有瀟湘雲水孤懷外之句當

是楚人據張著送朱萬戶詩

王振鵬字朋梅永嘉人常熟江陰所海運千戶據虞集王知州

墓志

楊樞字伯機昭信校尉常熟江陰所海運千戶據黃文獻集

趙必華字實夫崇明人常熟千戶據太倉州志

王公洪武初常熟丞卒于官厝葬虞山林大同有代里

長祭文據範軒集○祭文里長稱縣丞為相公明初稱謂尚為近古

李春林洪武初常熟丞劉 洪武初常熟簿林大同俱  
有送入觀詩据範軒集

庶士

葛觀舊志有傳宋嘉定間為歸政鄉里正据張攀義役記

金文中元常熟州吏役滿陞庸田司奏差据顧瑛送金文中詩

張道原子雪齋事親孝多才藝元末充州吏知州班惟

志甚禮遇之日與韻士賦詩呼為雪齋而不名尋以世

變謝去明太祖平吳頒詔至邑道原歎曰不圖今日復

見太平也据林大同張雪齋墓志

陸賢字祐賢氣稟英偉才質兼美精研案牘雖疑讞以

補記卷四 庶士

六

片言折之上官悉嘉其能無子以從子熙弟異為後据陳

大同代陸熙誌伯父知止老人壙○誌又載至正甲午伯父輸粟授承務福建行省檢校明洪武壬戌以事成雲南歿于閣霞驛

韋道甯中州人為常熟州吏有能聲部使者薦之除福

建行臺奏差見陳基序据夷白齋集

郁瑞卿元至正間為州戶曹据

陳圭字伯珪明洪武初為糧長朱蝦篡寇掠圭偕兄伯

琬以策擒之据

徐懋字公勉以好學稱明初為縣學生員代父訴役事

黜為縣吏永樂中赴吏部考職吳訥有序据文恪集

倪慶字本昌石墩人縣學生黜充縣吏趙令楫甚器重之時草昧多荒土慶募民墾尖口圩數千畝後以事赴京上疏吳中利害爲怨家鳩死夾馬營其僕朱爵朱俸

白之所司給郵符歸葬薛溝

據姚志

陳杞約正呂祖德約副

據洪武間永安社殘碑

劉淇明洪武二十四年社長

據龔志李阿演開墾帖

蘇質字子實劍城人永樂中充糧長爲區民之貧者代

給事築畊隱軒以奉其母

據林大同蘇處士壙志

補記卷四 庶士

琴川三志補記卷四

琴川三志補記卷五

宦績

許儒晉南沙都尉咸和五年石勒將劉徽寇南沙遇害  
贈高陽太守諡貞侯儒立行清素母憂在殯遇賊放火  
抱櫃悲號賊感其孝為之救火閭里賴以保全元帝渡

江由司徒參軍出為都尉據許嵩建康實錄

按吳郡司鹽都尉永嘉中有戴逢見山海經郭璞注

因無政績故不補傳若許儒乃死事之臣贈官及諡

舊志未詳宜補其闕後凡例此

蔡景歷字茂世考城人梁海陽令為政有能名據陳書

補記卷五

宦績

胡順之字孝先原州臨涇人宋天禧中以著作佐郎知

常熟縣天聖明道間官太常博士上書宰相乞太后還

政仁宗嘉其忠特遷屯田員外郎據宋史本傳

范琪字希世仲淹之從兄天聖五年進士出知鄞縣徙

常熟濬金涇鶴瀆二浦溉田千頃為公家利子師道據范

成大吳郡志

林會字貫通文登人通直郎知常熟縣諸浦湮闕三十

餘所率疏濬之元祐庚辰卒於官據王惲秋澗集蘇門林氏家傳

魯詹字巨山海鹽人嘗之兄也崇甯五年進士由揚州

天長尉移常熟丞攝令事民愛吏戢旋以親老乞歸官



至度支員外郎

据毘陵集樞密院檢詳文字魯公墓志

向仁叔佚其名政和八年常熟丞構竹軒顏曰分翠邑

令李光有詩題贈謂其吏隱風流

据李莊簡集

馮湛字瑩中秦州成紀人乾道初為定海水軍統制請

移屯許浦詔從之立四寨去鎮三里許為屋萬間占民

田三千五百畝償以公田遂遷所部三千人益以江陰

屯兵五千人戍于新屯招降海賊羊舜元轉武功大夫

奉祠後復為副都統制領許浦大修戰艦開梅里河五

十里以蜚語謫澠州尋復故官

据袁燮副都統制馮公狀

范克信丹陽人慶元己未特奏名授迪功郎奏辟許浦

補記卷五

官績

一一

水軍差遣屢著勞績

据劉宰漫塘錄

曾揆字舜卿南豐人慶元初為常熟尉工詩善書孫應

時為令送揆去任詩稱其才優牛刃筆妙沙錐蓋亦才

人而沈於下僚者

据孫燭棚集

按揆舊悲作達

鮑廉龍泉人淳祐中知常熟縣寶祐初充沿江制置使

知靜江軍德祐元年元兵入死之

据畢沅續宋元通鑑

張成德字彥卿元世祖至元十一年知常熟縣三年秩

滿官士耆老立石紀績

据秩滿紀績碑

按桑瑜志載紀績碑以至元為至正致後來亦沿其

誤又按前至元縣未升州今並補正

王德剛佚其名至正十八年知常熟州在任五年政平

訟理築華蕩圩開耿涇港四叉河為隄五十餘里浙東

盜朱鬢擾常熟境捍禦有方寇為懾退民得安堵據楊維楨

王公善政記

呂熙字敬夫河州人明太祖吳元年由丹徒令任常熟

知州時蘇州猶未下軍需百出航賦輸金陵往往覆溺

熙處之有方民不知勞戎馬倥偬之暇修葺學校行釋

奠禮洪武元年擢京畿漕運副使據張著送行序楊維楨重建學宮記

趙都督副使佚其名元至正丁酉吳王師徇常熟降之

補記卷五 宦績

命都督來鎮守時蕭三負固鄰境焚掠為邑患都督遣

偏師破其巢穴斬首惡三人事定禁主客軍民不得雜

處嚴乘火攘奪之令居五月利病以次興革民懷其德

調赴南征士大夫贈詩頌美訓導張著為之序據張著永嘉集

按明五軍都督府無副使之官當至正末吳王未定

官制也

周槩字仲方廬陵人永樂初以戶部郎治常熟水利堤

防蓄洩皆措置合宜出入阡陌間躬親率作民不知其

為使者也期年奏績還京據吳文恪集

按周槩治水常熟未詳何年何地疑與夏尚書原吉

同時在明初爰附于宦績之末

補遺

岑頤宋初為常熟令

楊億武夷新集

項應角宋特奏名常熟主學

松陽縣志

求多問字守謙南宋初以薦授承信郎監常熟縣商稅

務

煉縣志

鮑格非永嘉人紹興乙丑進士知常熟縣

溫州府志

趙與翊宋宗室居海鹽寶慶二年進士知常熟縣

海鹽圖經

周臯必大孫居金華淳祐十年方逢辰榜進士知常熟

縣

蘭谿縣志

以上官師

補記卷五

宦績補遺

四

陳儼字仲莊建陽人大中祥符間以學究出身嘗攝常

熟令興利除害嘗浚福山塘以溉田民賴之朝臣累以

才行薦未報卒

八閩通志

王宗已字子游長谿人紹興間進士為增城令治居最

上特書其名于御屏秩滿調常熟縣時水軍統制馮某

抑配民戶宗已奏乞戒約除登聞鼓院尋知廣州

八閩通志

以上宦績皆據陳揆琴川志補注

火你赤元皇慶元年奉直大夫常熟州達魯花赤

睦忽彬皇慶元年承直郎同知常熟州

呂儀之皇慶元年承務郎同知常熟州

任伯通皇慶元年承事郎常熟州判官

李伯榮皇慶元年敦武校尉常熟州判官

貝段貞皇慶元年常熟州都目

閔益皇慶元年常熟州提控案牘

以上官師 皆據唐派淮重修廟學記

忒木台兒炮手達魯花赤都元帥掩木海子襲炮手總

管至元十四年進昭勇大將軍礮手萬戶佩元降虎符

鎮平江之常熟有叛民擁眾自號太尉者行省令會諸

軍討之破其眾斬賊酋戴太尉朱太尉等帝嘉其功明

年兼平江路達魯花赤

續補官績 據元史卷一百二十二掩木海傳

琴川三志補記卷五

琴川三志補記卷六

氏族

許延祚五代梁以知常熟縣遂家焉孫式宋景祐元年

進士官至轉運使

據龔志○廬府志式延平三年進士桑志式為禮部尚書

胡稷言字正思祖振禮部侍郎父枚職方郎中稷言學

古文於宋祁復從胡瑗學以特奏名調晉陵尉歷山陰

丞子嶧孫百能干能曾孫畊

據龔明之中吳紀聞陳長方胡嶧墓志

陶節鳳凰涇人宋朝請郎子擴元符三年進士振崇寧

五年進士孫之謙天台守五代孫榕字任道通直郎舒

城令

據程公許重開支川記吳郡志○趙時佛龍湫亭記嘉定中修白龍祠鄉貢進士陶元善經始其祠

補記卷六

氏族

按琴川志進士題名失載陶擴陶振陶瑜但有陶永

陶虎據吳郡志永振之從子虎永之從子瑜嘉定十

三年進士永之從孫

李益字彥中祖璋

改名

居盤門益登重和元年進士徙

居常熟紹興間官監察御史

據中吳紀聞王鏊姑蘇志

錢衍於吳越錢氏為疏屬有賜田在常熟之李墓因家

焉贈右朝議大夫子觀復孫侯佃必佃必字叔儀知江

陰軍備居父憂以哀毀卒侯佃已見舊志侯次子言忠

與兄懷忠弟作忠俱入國學言忠免解進士是為沙益

錢氏之祖

據崔敦詩提舉錢君墓志桑志

趙銑之魏悼王廷美之後父叔霽左朝議大夫銑之官  
左朝散大夫贈少師家於常熟子公頤公豫公升  
公頤朝請大夫子彥俟孫濟夫字德進嘉定元年進士  
公豫琴川志有傳子彥适刑部郎中知婺州孫佐夫佑  
夫曾孫時言字子然嘉熙二年進士文林郎  
公升舊志有傳子彥許訓武郎江南西路兵馬副都監  
彥詞迪功郎饒州番陽縣尉彥禾迪功郎衢州司理參  
軍孫柟夫以遺澤補將仕郎樞夫機夫櫟夫柵夫  
按琴川志趙公豫傳稱父少師未載名字茲据宋史  
表傳及袁燮墓志連類補之

補記卷六

氏族

一一

趙公義亦魏悼王後父劾之修武郎公義官忠翊郎建  
炎間始居常熟子彥輔彥軾孫傳夫傑夫价夫偉夫伸  
夫伉夫伸夫舊志有傳

按進士六子惟伸夫詳袁燮墓志餘俱俟考

趙孝孫字仲修其先洛陽人建炎中避地居常熟子思

琴川志有傳

据姑蘇志

陳安節弋陽人宋丞相贈太師文正公康伯次子賜同  
進士出身五辭不受事見宋史開禧元年爲防禦使巡  
海至常熟卒子幼遂家焉是爲縣南陳氏之祖

据羅汝寬陳繼

志  
芳墓

高定子字瞻叔魏了翁同產兄也官參知政事子孫多居常熟蘇志

劉震歸德人紹熙間任許浦統制因家許浦為許浦劉氏之祖據姚志

印武子通州靜海人仕宋招信軍判官淳祐癸卯徙常熟子應雷雨淮安撫制置使應飛戶部侍郎是為靜海印氏之祖據印應飛墓志

按應飛兄弟三人其季弟未詳俟考

周良貴和州防禦使虎子先世臨淮人高祖稹通判廣州曾祖恕鄉貢進士祖宗理贈武畧大夫父虎琴川志

補記卷六 氏族

有傳良貴以父遺澤官忠訓郎子闔孫據劉宰周防禦曠志

虞屋字仲元其先蜀人南渡時遷常熟之芝川祖父宋將仕郎父不仕屋有器度居家以孝義聞辟授福甯

州路都監稅不就子德賢德懋據楊維楨東維子集虞隱君墓志

虞德章字子文號芝庭曾祖世修宋將仕郎祖震龍父安邦德章性樸厚鄉里稱為長者工詩詞有芝庭小藁

子四宗海宗祐宗道宗益孫二克讓鎮據鐵崖漫稿虞處士墓志

虞德秀字子實曾祖世翰宋將仕郎祖震龍父安澤元德清令德秀為人淳謹事親孝恬于榮利蕭然事外相

羊山水間以終子宗立據陳三恪海虞別乘虞宗立先府君曠志

按德章德秀同祖兄弟考宋濂虞宗濟傳宗濟祖安  
澤父德良惜德良事蹟莫考又按宗立爲父德秀墳  
志自敘世系將仕郎世翰與楊維楨誌德章墓爲世  
修互異

殷宗義祖汝霖侯官縣校官父琦常熟州史宗義爲鳳  
洲虞伯源家客清脩好學避兵海上寶守譜牒不墜

崖文錄殷  
氏譜引

徐泰初仕元爲江浙行中書省知印祖壺祕書少監封  
東海郡伯父謙廕任威茂州安撫司同知世以貲產甲  
郡邑元末泰初棄家隱於宣化門外桃源澗卒葬澗北

補記卷六 氏族

子思 據吳訥文  
恪集龔志

徐元震字孟達太學弟子員父敬益陽州知州少俊父  
精敏偉琦爲人倜儻有卓識重然諾不屑仕進雅與臨  
海陳基善晚歲築室于笠澤聚書教子隱居以終女嫁

同里曹元 據陳基徐  
孟達壙志

曹文富贈武德將軍追封長洲縣子子南金舊志有傳  
良玉濟滿已見耆舊南金八子長文華贈飛騎尉追封  
吳縣男思聰將仕郎兩浙永嘉場司丞思溫徵事郎溫  
州路稅課大使思賢嗣良玉爲後將仕佐郎長洲縣尉  
思恭思忠思英思問皆不仕 據黃潛曹  
南金墓志



曹積中監修國史長史至正六年州民舒澤邵成等十人以李烈士祠獄級所需不給出私財購田積中等從其請糺族樂施獄級之費斯裕獄級者行香時請於官而以罪人示眾吳下里俗也孟昉有記

按曹氏施田者太師府掾史善誠鈔庫副使之遜長洲縣尉必達分湖巡檢有承皆積中弟也並載孟記善誠於至順初建文學書院贍田四千餘畝舊志有傳孫文載見農田餘話

桑寬字仁夫嘉禾人從吳文正公游得性理之學官至都水庸田司使娶常熟王亨甫女遂遷居焉此山塘桑

補記卷六

氏族

五

氏之祖

據姚志

瞿達其先海門人父以避兵遷常熟元初劉將軍徇地至邑達與兄青招諭未降者授達百夫長累遷怯憐口

提領子興嗣舊志有傳

據宋濂瞿府君墓志銘

黃道山佚其名劍城人元舉孝廉幼息錫孫舊志有傳

費林氏生五子修德州直學出繼林近思後子大同明

據簡軒集

開封訓導明德州學賓卽給事中鉞之祖也

徐理仕元爲海道都漕運府萬戶以功賜地營葬邑之

據鄧志

邵舍明尙書恪其後也

蔣九一其先秣陵人徙宿州再遷如臯九一爲元海道

千戶始家常熟是爲城南蔣氏始祖

戴道祥其先鳳陽人道祥呱呱兒時元季紅巾亂其父繼負至縣之河陽山棄於草莽傷一目兩日不死其父異而收之是爲河陽戴氏始祖

譚慶一元末自中都來常熟昆湖之南得蟾蜍薦莽中詫以爲祥遂卜居之是爲湖南譚氏始祖以上據姚志

錢希祖沙盆錢氏也元末爲玉山教諭子甦舊志有傳

據文獻志

鄒璧元旌德縣稅務大使子元據東維子集鄒元銘妻金氏誌

吳天祐字祐之元末爲州吏入明歷事神策金吾衛職

補記卷六 氏族

辦年老疾篤時其子景榮舊志作遵道宦鉛山遺誠外孫王

謙曰吾死汝收吾骨葬先塋傳語汝舅竭誠守職毋負

國恩遂卒天祐獵涉書史立品有士行子景榮以賢良

徵終沅陵主簿孫訥官至左副都御史明史有傳據林大同

吳沛之墓志

潘棠杭州人洪武二十四年任常熟知縣遂家焉據文獻志

陸榮三元末與兄轉運使榮一避兵相失竄邑之李墓

洪武初居五渠厥後蕃盛至有中舍東西舍之稱此五

渠陸氏之祖據姚志

朱賓字于王晏林人宋宗正臣之後明初屢徵不起曾

孫士進字鴻漸爲青果巷蔣氏贅婿贈御史卽參議驥之父也据姚志

按明時別有朱臣朱賓皆旦之子正德間人

唐瑀字以璫雙鳳人明初以貴例徙金陵永樂中由應

天學生授萊陽典史子韶進士官御史据雙鳳里志

陳琦字叔良宋温州教授元大曾孫琦居邑之支川趨

造端謹明編修劉素誌其墓子嵩舊志有傳据支溪小志

李庚字之白由仙居遷常熟明初舉秀才授滑縣稅課

局大使四載給由赴北平布政司至深州道卒妾蘇氏

偕其子靈童函骨歸虞山葬据林大同行狀

補記卷六氏族

周賢字思齊雙鳳人永樂中以善書徵弗就子濟渙俱

有聲据雙鳳里志

后思文父公邠州倅思文官青城簿官舍蕭條妻親蠶

織題其扉曰如郵嘗薦同縣陸以廉朝觀亦見林大同

詩据範軒集

連友信字德忠世居北平元末爲萬戶守平江遂家常

熟洪武初例徙鳳陽歿妻劉乃攜孤璞歸据林大同連母劉氏墓志

朱廣永樂初以軍功累遷河南都指揮司同知官至左

軍府都督守交趾卒于軍子瑛世襲羽林前衛指揮使

据雙志

張公顯以避諱改士元字允甫舊志有傳曾祖彥琦祖仲父孝德宋迪功郎世爲橫涇望族士元國子監上舍生尋以太學廢歸養奉母徙居於杭卒年五十九子觀葬南高峯下麥嶺元至元甲午也

据戴表元張允甫墓志○琴川志成涇十

年國論張士元建橫涇東嶽廟

王敏字伯明世居尤涇敏仕元爲萬戶至正末有保土

功明初隱居江陰古塘里

據江陰縣志

屈再伍常熟人明永樂間遷慈利上五都子公銘爲某

縣尉孫應祥任雲南鶴慶縣令後轉王府典寶

据慈利縣志

按張公顯王敏屈再伍三人本屬土著既經他徙其

補記卷六

氏族

八

子姓卽非邑人並附氏族之末以辨戶貫

爵邑

陳後主第六子祗封信義王

梁南沙公主簡文帝女選袁憲尙主

陳信義公主文帝妹選到郁尙主

齊王敬則封尋陽郡公

王元遷封東鄉侯

宋曾懷封魯國公

邱岳封東海郡侯

卽應雷封靜海縣開國伯

徐壺封東海郡伯

補記卷六

爵邑

九

元曹文富封長洲縣子

曹文華封吳縣男

琴川三志補記卷六終

琴川三志補記卷七

耆舊

徐甯字安期東海郟人通朗有德素少知名初爲興縣令桓彝嘗至廣陵尋親舊遇風停浦中累日上岸消搖見一空宇有似廨署彝訪之云興縣廨也彝旣獨行思逢晤賞聊訪之與寧結交而去至都謂庾亮曰吾爲卿得一佳吏部郎亮問所在彝卽敘之累遷吏部郎左將軍江州刺史

據劉峻世說注引徐江州本事

按徐氏望出東海或疑江左例標本望然繫以郟人是其郡非其望也考彝亮在永和以前其時南東海郡之郟縣僑治海虞北境其爲邑人無疑

補記卷七

耆舊

王公林大司馬敬則族子常所委信爲五官永泰元年帝以張瓌爲吳郡太守置兵佐密防敬則其第五子幼隆遣徐嶽告謝眺爲計眺執嶽馳啟之敬則參軍徐庶密以告公林勸敬則急送啟賜兒死單舟星夜還都不從敬則將斬王詢祖願公林又諫敬則唾其面曰我作事何關汝小子乃起兵卒及于敗敬則長子元遷封東鄉侯爲甯朔將軍守徐州擊虜敬則庶子仲雄員外郎善鼓琴諸子季哲記室參軍幼隆太子洗馬少安太子舍人及敗敬則父子皆大辟元遷殺于徐州

按南史王敬則射陽人僑居南沙齊書作南沙人今從齊書又按百官志太子太傅少傅府置丞功曹五官主簿是公林少安幼隆皆東官職僚也

曾恬字天隱溫陵人曾祖太保證宣靖公亮祖孝純光祿少卿父宜虞部郎中恬為人清介時王氏新經義頒學官心獨非之從楊時謝良佐游講明古義南渡後官大宗政丞悟秦檜丐祠寓居常熟以終子崇孫耆年延年

崇由監潭州嶽廟累遷知高郵軍陞對言兩淮吏多掊克虛張邊備失民和孝宗善之治郡務鎮靜有尉非理

補記卷七 耆舊

殺里正掌酤牙校犯罪悉論如法卒於官

耆年崇長子以父遺澤任湖州司戶擢知嘉興縣歲旱又蝗力爭於郡守得蠲租後用真德秀薦權知興化軍終朝散大夫耆年弟延年同時貢名禮部入太學亦有

聲 據韓元吉高郵軍會使君墓志衛涇朝散大夫曾公墓志熊克中興小記

李十二父病刲股取肝和藥以進而病愈朱九七朱四三皆割股療母病獲痊邑令趙善括上聞旌表 據應齋雜著

謝天錫字純父世居任陽父德明宋將仕郎天錫元初

授嘉興主簿兼攝縣尉有疑獄命取網罟羅積水中窺

乃白子斗元忠翊校尉海運千戶孫庭瑞庭芝 據趙孟頫松雪

曹珪字德璋武德將軍文富曾孫祖南金舊志有傳父  
文華早卒贈奉訓大夫婺源州知州珪生而穎異少孤  
克自奮立襲授忠翊校尉海運香糯所千戶佩金符在  
官二十年航饗八上屢著勞績至正中以漕事如京遇  
寇北通州不屈死藁葬州北水涵寺前子三元立享孫  
遷珪弟埜先由也里哈溫必闡赤累遷從仕郎宣政院  
崇教所知事

据黃潛曹南金墓志朱珪  
名蹟錄千戶曹君壙志

按元季吾邑如芝溪虞氏福山曹氏半州徐氏茲以  
貴雄州里諸舊志往往少之於曹氏尤多貶辭顧曹

補記卷七

耆舊

三

珪虞宗濟忠孝凜然徐洪徐泰初知幾肥遯皆有高  
世之行當時世家巨室未聞或之先也詩曰誠不以  
富亦祇以異其斯之謂與文采風流抑其末矣

周文英字子華父才舊志有傳文英鹽官州都目所至  
與長官忤又言水利請開白茆婁江行省不能用後張  
士誠得其故牘乃施行之民享其利子南老府志有傳

据龔  
志

邱子淵宋光祿大夫岳之後東始人元末張士誠寇常  
熟游兵肆掠入子淵宅大罵不屈被害女端一賊欲逼  
之自投長橋下急流中死

据姚志○端一  
適花林齊鏡



鄒伯祥花林人張士誠陷常熟伯祥糾族捍衛閭里爲官軍倡導士誠受撫伯祥隱處不出名其居曰隱齋行

省屢辟辭弗就

据劉仁本羽庭集隱齋記

陳貞字子固其先樂清人曾祖月巖瑞安州學正祖可山父益用俱不仕叔祖秀民知常熟州可山以省弟來常熟元季兵阻遂家于雙鳳鄉貞有孝行時號爲陳孝子明洪武中以事戍五開卒子濟洽濟入武進籍從子元吉名河以字行洪武中伏闕請代父受刑父得生還浚字伯厚與兄洽濟齊名以詹同薦任刑部主事條利弊十餘事上之洽河浚皆居雙鳳

据金寔陳贊善行狀雙鳳里志

補記卷七

耆舊拾遺

四

陳洽字叔達孝子貞次子貞歿五開洽間關冒險負骨歸葬用兄濟戶貫厯官兵部尙書死事交趾謚節愍葬雙鳳鄉兄濟官贊善明史並有傳長子樞刑科給事中次子機舉秀才沛縣教諭感父陣亡隱居不出築鳳郵竹舍歿後私謚明惠先生機子灼親喪廬墓亦以孝稱仕廣信府經歷

据雙鳳里志

拾遺

虞衡字似平官參議贈龍圖閣學士善隸能詩築谷林於虞山西麓似良仲房爲篆其榜似良於衡蓋兄弟行也

据琴川志敘山

按琴川志瑞石庵今爲參議虞公似平墳庵桑瑜志  
虞衡墓在頂山白龍祠側則似平名衡可證常昭合  
志以似平爲虞子賢字非是似平宋人子賢元末人  
也

又按子賢已見舊志其藏朱子和張宣公城南雜詠  
墨蹟乃得之邑人錢伯廣伯廣得之邗人干文傳輾  
轉授受歷歷可考茲據干淵跋以補韻事之闕

沈元諒其先汝南人祖彥文教授泰州始遷邑之白茆  
元諒以學行聞外舅邱岳薦之弗就

據姚志

孫桂文淳祐間國子監進士與趙必錦耆老朱成魏慶

補記卷七

耆舊拾遺

五

趙明等陳狀都督乞封土神周容廟額

據靈惠廟牒

趙善忱官泰州牧乞歸侍母備極色養

據孫燭湖集

楊伯麟字祥甫宋咸淳進士揚州監察推官宋亡不仕

元世祖至元二十九年伯麟縻錢五千緡修縣學文廟

閻復有記

按督工盛琦楊應順李敬甫金應澤並載閻記

胡洽胡淳胡埭人端平中重建學宮兄弟並董其役魏  
了翁記邑令鮑廉輯琴川志屬鍾秀實與淳菟討事蹟

清審翔實此邑志權輿也

據邱岳琴川志序  
盧府志桑瑜志

按元至正間知州盧鎮重葺琴川志屬耆老顧德昭

徧求舊本集諸士參考異同明永樂中凡本縣增修志書及史館行勘事蹟連璞與林衍張規必預焉是皆攸關邑乘以類補錄備考

曹良玉曹濟滿副萬戶南金弟也良玉管冀寧等處稻田同提舉濟滿爲宜興州判官贈集賢修撰至大間楊山長應順應鳳盛將仕琦有重修廟學之舉良玉濟滿偕兄南金族弟平準副使友仁並以富室行義于鄉輸金修葺泮宮兩廡費不貲唐泳涯記南金舊志有傳皇

慶重修儒學記

按是役楊氏客侯亮曹氏客趙良夔莫如礪及周元

補記卷七

耆舊拾遺

六

董工興役並載唐泳涯記

繆侃字叔正父貞舊志有傳至正間侃避地浙東辟行省郎中督漕運父貞老居常熟兵阻不得歸養繪望雲

圖見志

據陳高不繫舟集顧仲瑛玉山璞稿

張昇遠逸其名以刀筆從軍掌書記嘗行成人廣陵遭

變間道歸時副元帥盧鎮守常熟留治簿書三年後爲

蘇參政幕官

據張著送昇遠之通州幕官詩

鄒伯常家有雲文閣貯名人書畫其中嘗有趙松雪畫

卷珍惜之避兵東徙猶攜以行把玩不置舊業飄零則

未嘗問也

據顧仲瑛玉山草堂集朱存理鐵網珊瑚

李大還自號丹邱生沙溪人有同里蘇社妻郁氏嫁甫四月其舅逋官賦借妾亡繫社于獄吏卒責新婦無以償迫赴官郁義不受辱投水死時洪武三年六月二十九日也父克明函骨收葬大還銘其壙未旌烈婦有賴

斯文 据蘇烈婦郁氏壙銘

按烈婦壙石出土在 國朝嘉慶間姑以烈婦采錄又同時出土者李檝次子元齡字昌年事親交友孝謹克盡至正末以狐惑證妖亦大還誌其壙文頗工潔附識於此

張嵩字維岳沙頭鎮人博極羣書隱居樂道至正中薦

補記卷七 耆舊拾遺

授象山書院山長屢徵不起卒門人私謚貞文先生 据

倉州志

蔡綱字確庵遠祖興文宋淳熙間以諫官謫丞常熟遂家于邑綱明初補縣學生隱居拂水巖著有幽蘭集浮

鷗集輯史畧太極圖解 据姚志

高可久宋端明殿學士參知政事定子之後以醫世其家明初以事謫戍薦授扶溝令左遷江山丞乞養歸里

据林大同吳訥贈詩

王迪字惠吉父瑛舊志有傳迪邑諸生父歿以田分給弟甥隱居城北之蕭溪植竹千竿扁其居曰世竹有閒

居十詠詩

据吳訥世竹翁墓誌

琴川三志補記卷七終

補記卷七

耆舊拾遺

八

琴川三志補記卷八

寓人

魏邦哲崑山人久寓常熟宋政和中撰福山東嶽廟記  
自署鄉貢進士

按邦哲崑山志無傳又吳郡志載唐中和間破山寺  
再造功德記有以僑僑居是邑之語併無姓氏里居  
同屬寓人因並及之

胡舜陟新安人宋建炎中爲兩浙宣撫使周望參謀望  
守平江舜陟度必敗攜家依朱閻羅崔賞泊梅李尋移  
許浦未幾金兵破平江望遁

據胡舜申乙酉避亂錄

補記卷八

寓人

滕宓字季度居齊門知道州瑛之子淳熙中舉賢良被

擯葉適奏其學行賜號廉靖居士卒葬常熟

據姑蘇志

翟耆年字伯壽參政忠惠公汝文子右宣教郎

見吳郡重修儒

學記篆額拓本

工篆隸撰籀史二卷

據翟忠惠墓志

按耆年隨父寓居常熟後奉父柩歸葬丹陽故列諸

寓人

万俟紹之字子紹郢人寓居常熟工詩有郢莊吟稿

據陳

起江湖小集

莊綽字季裕清源人南渡初游寓常熟著有雞肋編

據

衆法自序

陳繹曾字伯敷處州人官至國子助教以弟徽曾官慶

安巡檢來常熟訪之有鳳凰山詩據元史本傳桑瑜志

鄭元祐字明德遂昌人隱處吳中為文有法度三吳碑

碣咸出其手與邑士徐元震黃公望諸人友善其過虞

山陳適庵處士詩有我來重下陳蕃榻之句蓋嘗寓於

陳氏據僑吳集

華幼武字彥清無錫人元末避兵寓常熟就鄭東昆仲

居有詩見集中據黃楊集

張天永字長年高郵兩伍村人父△官建康教授至正

間天永奉母避兵常熟屢辟弗就張士誠據吳強授江

補記卷八 寓人

浙行省都事明洪武中以高逸薦命為文華殿學士固

辭歸田有雪篷行稿據鄭元祐兩伍阡表跋龔志

瞿智初名榮智字慧夫崑山人元末徙沙溪築室顏曰

墨莊著有睿夫集據沙溪詩存

邵亨貞字復孺華亭人文章華贍元末嘗寓常熟明初

荐授松江訓導以事謫穎上赦還卒年九十三有蛾術

集據蛾術集寄錢南金詞

羅△字元齋蜀人官行省參政元亡不仕寓居虞山明

洪武九年卒見林大同代金世憲祭文據範軒集

顧△字文質淮海人慷慨有志節明初授武職領漕事

留海虞凡十餘年始終以廉介自持與士大夫交維謹

後赴京師見張著序據承嘉集

吳從周號野舟廣州人任廣武衛掾嘗游常熟築室於

琴川上名曰望雲以寓二親之思據楊維禎野舟孝子志

高隅仲蒙城人寓郡北郭有隱操後客授常熟王氏孟陽

仲良延以課弟徙居於邑顏其齋曰佩韋據王行半軒集

琴川三志補記卷八終



琴川三志補記卷九

方伎

慧嚮俗姓懷吳興人道行爲梁武帝所重據吳郡志

曉芳常熟人師事五臺山靈默大師住持甘泉普濟禪

院咸通十一年示寂郎肅誌其塔據蔣溥盤山志

仲殊安州人工詩詞嘗隱破山光明庵據光明庵記

居簡字敬叟潼川人嘗棲禪慧日寺著有北磻集頂山

寺僧珂刺十指血寫蓮經居簡題其跋據北磻集

清雅字少南俗姓應常熟人宏圓頓宗屢鎮叢席嘉定

賜號易庵寂照禪師據至元嘉禾志

補記卷九

方伎

澂上人昌上人俱破山僧與崔天游后克正游據段天祐空心

亭記

普明號雪窗元泰定中行省疏請主慧日寺據胡助記

謝暄字元映陳郡人年十二辭親入山師事朱天錫專

務修道朱性嚴厲入室者惟暄一人隱虞山雖居幽寂

遠近歸向林谷常滿據太平御覽引珠囊

周應靈元平江路道錄周靜清弟子也嗣靜清提點普

福觀請於朝陞觀爲官賜號葆真凝素崇道法師據吳澂普

福宮記

按靜清字隆孫舊志有傳未著其名補記於此

周大方雙鳳人陸文圭有長句贈之

據牆東類稿

王大成天台人應錫智之嗣

據真風殿石刻

王靜明常熟人道行高卓其徒李圭亦有名

據王牛軒集

盛太元初名景韓延祐中建延禧萬壽觀於七浦賜號

元靜法師其徒李天節賜號凝妙法師

據萬壽觀記

潘琪常熟人善醫工灸法

據莊緯鍼灸法

匡亼字復齋濟南人世以醫鳴徙居常熟子子通孫友

聞字志明悉傳其學會孫忠明永樂中以醫徵舊志有

傳據吳訥匡處士遷葬志

陶仲鈞元末隱於醫居虞山下繪杏林圖湖州牟巖題

補記卷九 方伎

有詩據陵陽集

周仲衡善醫呂誠有贈虞山隱者歌

據來鶴亭集

龔元之治城人明初以醫徵入京旋告歸

據林大同吳訥贈詩

琴川三志補記卷九終

琴川三志補記卷十

第宅

宋中書舍人崔敦詩宅在紫微坊

戶部郎錢觀復宅

工部郎富元衡宅

光祿大夫邱礪宅俱在聚星坊

將作監丞邱耒宅在瞿家橋

錢通判宅在善利橋通判名未詳

茶監陳大年宅在葛莊基西南

蘇忠翊直宅在梅李

補記卷十

第宅

一

按琴川志無第宅篇名茲摭其散見志中者得崔敦詩以下若干區補錄如右夫入魯而風師柳下過梁而慕想夷門于以表厥維桑式光閭史不亦休乎

宋孝子周容宅在縣治東南百步乾道中容歿為神邑

人陳擢簿即其家祠之

據鄧志

按孝子譜牒桑瑜志云在莫城周氏宋治水御史姜源有詩則莫城當是孝子故里也

參謀馬萬一秀宅在焦家橋

據桑志

免解進士錢言忠宅在李墓

據桑志

邱監丞新宅在慧日寺東

據居簡詩

胡涇宅在胡埭據盧府志

元虞屋宅在東蘆溪據楊維楨虞隱君墓志

崔元芳宅在言公巷據韓奕寄詩

李一鴻宅至順間捨宅為東嶽行祠自居南壑下子景中孫阿演世守

考龔立本志載明洪武三十年縣給景中男阿演開懇印帖按二十四年清查事例社長劉洪勘得景中名下山地除東嶽行宮基外實算二十六畝三角帖仰本戶承遵永樂八年縣復給文付阿演世守備錄帖文以著今昔形勢之不同云

補記卷十 第宅

按是宅在州城秋報門外致道觀右宋時社壇疑亦在此附近琴川志所謂縣西一里三十步是也姚宗儀志云今致道觀前民居即其遺址

后克正宅在西郊陳植有題山居詩據甯極齋稿

明蕭安道宅在河陽里有定靜齋王賓有記據光庵集

園林

顧瑛別業在任陽有華梅舫鶴夢樓諸勝見龔詡詩據野

古集

南園在鹽鐵塘瞿智闢據沙頭里志

虞氏園在花橋市虞宗祥植花於此故名據文獻志

南園在塗松陳繼善所闢園有十景

怡園在塗松周豫闢以怡親

西墅在穿山劉檄築

以上据沙頭里志

冢墓

唐逸人蓋公墓在今興福寺街普度庵側 國朝康熙年間歙人買地置義冢掘土得誌云貞觀口年 據常昭合志

宋待制季陵墓在文村 據昭文志

按季陵墓始載陳祖范昭文志考宋史陵傳由太常少卿擢中書舍人累經論罷復官待制陳志稱爲太常殆因明桑孝光有用太常季陵墓詩仍沿其誤宜龔立本謂太常事實無考也今補正

元虞屋墓在西山麓小澗楊維楨銘

虞德章墓在西山麓小澗楊維楨銘 並據鐵崖漫稿

補記卷十 冢墓

元武畧將軍海漕副萬戶曹南金墓在福山塘西黃潛

銘 撰黃文獻集

明兵部尚書節愍陳洽墓在雙鳳鄉十六都又明孝子

陳元古墓在節愍墓北 據太倉州志

元常熟州知州盧鎮母華氏墓在虞山東麓 據張著盧母佳城圖

詩序

按龔立本志官師表盧鎮注有以艱去之語當在至正壬寅到官以後桑瑜志丙午鎮以城降中間何年丁艱何年復任抑或奪情未解職卽稽之張著佳城圖序亦無其母卒葬年月文不足徵可慨也夫

明蘇烈婦郁氏墓在沙頭鎮李大遺銘 拓石刻

琴川三志補記卷十終

補記卷十 冢墓

五